

泰州志卷之三十三

藝文四

詩

文會堂

宋

范仲淹

東南滄海郡幕府清風堂詩書對周孔琴瑟視羲皇君  
子不獨樂我朋來遠方一學許周查三遷徐陳唐芝蘭  
一接豈徒十步香德星相聚會千載有餘光道味清  
可挹文思高若翔笙磬得同聲精色俱激揚栽培盡桃  
李棲止俱鸞鳳琢玉作鎮圭鑄金爲干將猗哉滕子京  
此意久而芳

泰州志

卷之三十三

藝文

一

芙蓉閣

宋

曾致堯

夏日芙蓉閣閣前何最殊參差紅菡萏迤綠菰蒲浮  
藻青黏柱澄瀾碧照櫺木陰棲獨鶴波影浴雙鳧烟動  
烹茶竈香微養藥爐靜疑江寺小幽笑石屏孤沙鷺窺  
吟榻風蟬入座隅重簷常礙斗疊砌每生蘆炎暑微涼  
有塵埃斷定無傍軒黃蛺蝶縈隙白蜘蛛豈必居三峽  
全勝泛五湖立寧憂岸峻宿不怕灣紆自愛資詩景誰  
憐斂畫圖窗閒雲縷細枕底浪聲麓戍客心如火行人  
汗似珠此中涼冷興那得暫如吾

望京樓

曾致堯

望京樓上望望久思躑躅境土連江徼人家海隅隔  
山川隱映負閣水縈紆雨過風生檻潮來岸浸蘆雲昏  
迷候館樹缺辨溪湖烟暝藏汀鷺林繁失廟烏浦遙帆  
片小村迴笛聲孤展轉觀風部徘徊想世途身爲州郡  
主心在帝王都際會逢堯厯歡榮荷禹謨便當思慄慄  
敢不盡區區苒苒年華至悠悠夕照徂常時思玉闕每  
夜夢金爐欲坐晚衙去重簷知矣夫

清風樓

一名清風閣

曾致堯

樓號清風頗覺清冰壺冰室漫傳名竝無塵土當軒起  
只有松蘿繞檻生秋似玉霜凝戶牖夜宜素月照簷楹

泰州志

卷之三十三

藝文

二

我來滌慮搜吟坐惟恐鼕鼕暮鼓聲

積翠亭

曾致堯

高高積翠亭積翠不虛名路小莓苔合牆低薜荔生當  
軒攢竹柏繞檻列杉檉公退時來此吟情轉覺清

清風樓

宋

王安石

飛甍孤起下州牆勝勢崢嶸壓四方遠引江山來控帶  
平看鷹隼去飛翔高蟬感耳何妨靜赤日焦心不廢涼  
况是使君無一事日陪賓從此傾觴

寄贈胡先生詩

并序

王安石

介甫半山

孔孟去世遠矣信其聖且賢者質諸書焉耳翼

之先生與予並世非若孔孟之遠也稱述又詳  
於書不待見而後知其人歎慕之不足故作是  
詩

先生天下豪傑魁胸臆廣博天所開文章事業望孔孟  
不復睥睨蔡與崔十年畱滯東南州飽足藜藿安蒿萊  
獨鳴道德驚此民民之聞者源源來高冠大帶滿門下  
奮如百蟄乘雲雷惡人沮服善者起昔時躋跖今騫回  
先生不試乃能爾誠令得志如何哉吾願聖帝營太平  
補葺廊廟支傾積披旒發纊廣耳目照徹山谷多遺材  
先收先生作梁柱以次畜架桷與榱羣臣面向帝深拱

泰州志

卷之三十三

藝文

三

仰戴堂陞方崔嵬

車螯

王安石

車螯肉甚美由美得烹燔殼以無味棄棄之久能存予  
嘗憐其肉柔弱甘咀吞又嘗怪其殼有功不見論醉客  
快一噉散投牆壁根寧能爲收拾待用訊醫門

浮香亭梅花

宋 秦 觀 少游

海陵參軍不枯槁醉意梅花愁絕倒爲憐一樹傍寒溪  
花木多情自相惱清淚斑斑知有恨恨春相逢苦不早  
甘心結子待君來洗雨梳風爲誰好誰云廣平心似鐵  
不惜珠璣恣與埽月沒參橫畫角哀暗香消盡令人老

天分四時不相貸孤芳轉盼同衰草須要健步遠移

亂插繁華向晴昊

案淮海集題云和黃法曹憶建溪梅花論具古蹟

和作

宋

參寥

朔風蕭蕭方振槁雪壓茅齋欲欹倒門前誰送一枝梅  
問訊山僧少病惱強將筆力爲君寫麗句已輸何遜早  
碧桃丹杏空自妍嚼蕊嗅香無此好先生攜酒傍玉叢  
醉裏雄詞驚電埽東溪不見謫仙人江路還逢少陵老  
我雖不飲爲詩牽不惜山衣同藉草須要陶令插花歸  
醉臥春風軼軒昊

和作

宋

蘇軾

泰州志

卷之三十三

藝文

四

西湖處士骨應槁只有此詩君壓倒東坡先生心已灰  
爲愛君詩被花惱多情立馬待黃昏殘雪消遲月出早  
江頭千樹春欲暗竹外一枝斜更好孤山山下醉眠處  
點綴褰腰紛不埽萬里春隨逐客來十年花送佳人老  
去年花開我已病今年對花還草草不如風雨卷春歸  
收拾餘香還畀昊

和作

宋

蘇轍

老夫毛骨日凋槁愁見米鹽惟醉倒忽傳騷客賦寒梅  
感物傷春同懊惱江邊不識北風勁牆頭知有南枝早  
未開素質夜先明半落清香春更好隣家小婦學始

靚粧惟有長睂埽孤芳已與飛霰競結子仍先百花老  
苦遭橫笛亂飛英不見遊人醉芳草可憐物性空自知  
羞作繁華助芒昊

寄海陵縣韓長官

宋 鮑 溶

吏散重門却不開玉琴招鶴舞徘徊野人爲此多東望  
雲雨仍從海上來

寄泰州曾侍郎

宋 陳師道

八年門第故違離千里河山費夢思淮海風濤眞有道  
麒麟圖畫豈無時今朝有客傳何尹是處逢人說項斯  
三徑未成心已具世閒惟有白鷗知

泰州志

卷之三十三

藝文

五

自道山倅海陵

宋 劉 攽

壁閒金闕倚天開五見宮花落井槐明日扁舟滄海去  
却尋雲氣訪蓬萊

送劉貢父倅海陵

宋 李清臣

吾儕客京師晨夕厭謹晤僦舍八九椽鬱溽增煩渴有  
如轍中魚噉喙不可活百鳥趨高門趁趨互揮喝論辨  
若難裁氣欲歛相奪所喪或捐軀所得未易撮我聞江  
湖間連山翠如抹山下走滄浪山巔富松栝鳧鴨亂菰  
蒲魚鼉聚坡塢世事劇飛電人生眞漂沫誰其違樂遊  
而此就嘖額君直秘書閣日趨黃金闥忽思雲水行飄

然詎能過朝出都門東襟胸迴披豁放舟下淮楚天地  
頓空濶莫苦道路難暑今况己未君看日月疾俯仰換  
裘葛無謂監州微孔孟猶短褐時來發光華春陽奮枯  
枿惟君飽經術流輩服穎脫早作歸朝期豈學弦與箏  
公事無多使客稀雨時衙退吏人歸沈烟一炷香陰重  
畫角三聲晚照微桑雉未馴慙報政海鷗相近共忘機  
只將宴坐收心念懶向人問問是非

守雌堂

宋 陳 垓

來種吳陵竹便成須友情護全歸鶴表移繞起雲亭纔

泰州志

卷之三十三

藝文

六

聳槐堂幹俄開藥館扃豈無虛靜帚數箇付園丁

歸鶴亭

陳 垓

出城七里近綠樹蒨平野非谷響答鐘非坡勢奔馬固  
應地理家著阡藝松檟獨疑冲和翁生死皆幻假孰云  
骨可蛻正爾亦土苴更憐兩翁仲爲客護瀟灑柏陰供  
解鞍竹色入浮竿此翁言可人萬事帚一把壁門六尺  
影月夜豈自寫向來華表鶴千載有歸者喚翁願翁醉  
矮榼共傾瀉

泰州

宋 文天祥 文山

羈臣家萬里天日鑒孤忠心在坤維外身游坎窞中長

淮行不斷苦海望無窮晚鵲傳家信通州路已通

發海陵

文天祥

自海陵來向海安分明如度鬼門關若將九折回車看  
倦鳥何年可得還

鰕子灣

文天祥

飄蓬一夜落天涯潮濺清沙日未斜好事官人無勾當  
呼童上岸買青鰕

馬塘

文天祥

孤舟漸漸脫長淮星斗堂空月照懷今夜分明棲海角  
未應便道是天涯

泰州志

卷之三十三

藝文

七

賣魚灣

文天祥

風起千灣浪潮生萬頃沙春紅堆鱗子晚白結鹽花故  
國何時訊扁舟到處家狼山青兩點極目是天涯

旅懷

文天祥

一日經行白骨堆中流失舵爲心摧海陵棹子長狼顧  
水有船來步馬來

又

北去通州號畏途固應孝子爲回車海陵若也容羈客  
賸買菰蒲且寄居

泰州詩

明  
陳基

吳陵古名邦利盡揚州域舊城雖邱墟新城如鐵石昔  
爲魚鹽聚今爲用武國地經百戰餘士恥一夫敵征人  
還舊鄉下馬問親戚躑躅慨蒿藜徘徊認阡陌桓桓霍  
將軍出入光百辟位重言益卑功高志彌抑誓欲報仇  
讐不肯懷第宅人羨到家榮驚喜爭太息白日照旌旗  
閭里有顏色皓首太元經雖勤亦何益

基字敬初臨  
人元學士學

士明洪武二年修元史徵爲纂修官著夷白齋稟  
中霍將軍不詳其人復有通州海安上樂諸詩夕次  
爛泰州郭朝行上樂里舟過海安插路轉  
泥洪水行九十里泱澹趨秦潼諸句

喜均田命下

知府明 黎堯勳

誰捧天書下紫宸海臯草木盡精神而今鼓舞輸租者

泰州志

卷之三十三

藝文

八

卽是當年逋賦人

詩付判官簡輔

大學士明 蔣冕 湘源人

謫宦南來又幾秋海邦凋瘵不勝憂相逢客路無他語  
說滌談荒淚欲流

且樂橋

明 凌儒

北郭臨關處虹飛十丈餘避驄桓典里賣藥伯休居境  
逼難容市途平可渡車千年歌舞地愛有草元廬

大寧橋

凌儒

鎖鑰聲聞近通津第二橋坊臨官閣直路入泰山遙閤  
閱門相倚秦淮水不朝當關誰爲訴烽警日來銷

天寧橋

凌 儒

百尺臨淮秀邗流自竹西水深龍臥穩松暝鶴飛低梵

宇隣鐘磬轅門接鼓鼙獨憐愚女士祈禱往來迷

稅務橋

凌 儒

歲課垂名舊中城路不賒總戎司馬第簪筆夕郎家東

海迎朝日西山送晚霞從來冠蓋里時過七香車

太和橋

凌 儒

鼇首見文昌橫波落影長草深沙徑沒苔暗石碑藏題

柱人頻過行春路半荒橋梁繫王政回首思茫茫

八字橋

凌 儒

泰州志

卷之三十三

藝文

九

孔道當南北橋回左右分地形橫似字梁勢擬如雲隔

市人烟靜連營鼓角聞觀風問民俗蕭艾化蘭芬

登仙橋

凌 儒

名擅江城勝崢嶸高插天仙人何處去遺跡尚依然七

日笙猶響千年鶴未旋監司隣守禦時得察官賢

贈冒貢士鸞

大學士

明 李東陽

茶陵人

古道陵夷繼者希獨予才力尙卑微無成頗覺初心負

未老先知舊事非今日中流須砥柱幾年東壁仰餘輝

期君合在風塵外千仞江頭好振衣

伏龍橋

御史

明 方岳

十勝街前事君王勇未消空餘一片石猶記伏龍橋

泰山

方岳

泰州無泰山飛來奠茲土凌雲入青霄秀色貫今古乘風一登之去天如尺五忽聞絃誦聲彷彿過齊魯

登郡樓詩

明張承仁

嘉靖丙申郡樓成七月三日裕庵陳侯命酒登賞同登者郡大夫林思泉郡博士李東嶼劉良山吳巽峰鄉士夫林定軒方伯華南畹光祿方玉山轉運冒南臯別駕袁方洲徐香巖李澄江進士共十三人

泰州志

卷之三十三

藝文

十

公暇相邀上郡樓元龍豪氣已橫秋銜杯興欲吞江海作賦才應貫斗牛今古曠懷何處寄乾坤清氣此中收擊空鷹隼爭飛急俯檻怡情羨白鷗

謁安定祠

明陳源清  
教諭

孔鐸既沈響師傅日荒涼羸秦事法律隋唐競詞章漂淪迨五季一軌趨猖狂天未喪斯文宋運逢其昌表表胡夫子應期生海邦學能兼體用譽用徹朝堂出爲天下師英賢滿門牆淵源啓宋學隆盛追虞唐高岡生梧桐朝陽鳴鳳凰曰惟夫子功日月可爭光生有益於時死合祀於鄉誰其廢不舉我意欲存羊垣宇既已飭像

貌亦輝煌衣冠拜祠下告之一瓣香

送劉翼齋學博還海陵

大學士明申時行人吳縣

高情雲外吏情疏解組歸田賦遂初春去海東留竹箭  
秋來江上美鱸魚鹿門不斷烟霞侶栗里誰嫌蘿薜居  
聖世祇今褒令節即看巖下有懸車

清明目讌王宛委元戎於海陵岳王臺同用桃字

兵備副使明來復

今歲清明即上已纔舒新柳與天桃物華經眼憐人遠  
水國張筵據勝高春入籬墟開沃壤兵環堞海奠神臯  
即非吾土逢談笑短曲鐃歌任爾曹

泰州志

卷之三十三

藝文

十一

海陵觀徐神翁像

明湯顯祖臨川人

色盡神移看寫生元都衫影罩空明滄桑欲換題愁去  
一種神仙世上情

檀像虛無畫像新掉頭不識底傷神千秋淚迹神光裏  
愁看人間羅刹人

袁智周佩刀歌

并引

揚州府同知明

劉蘭崧縣人

智周字道濟善醫世爲丁溪鹵戶至正間父受  
戶甲非辱死智周誓復讐陰佩刀伺間凡六年  
甲被他人害既亂有司禁持兵者刀棄之邗溝  
其終天巨痛則無時釋焉儒先爭信以文予作

佩刀歌

鹵豪煮海地沸蒸忽報孝子蒼天崩被髮誓雲雨苦磨  
百金一片陰壑冰六年泣血絳雪凝悲風淒淒常夜興  
妖狐戴體鬼物馮舍沙射中左右肱陸阻層坎渡阻湖  
戴歌獨漉氣填膺刀亦汝知龍梭騰神鋒寒芒鐔威稜  
仰號彼蒼奚瞢瞢斯須間隙不可乘坐令骨立枯厓藤  
墓廬青冷松明鐙矧有母老髻鬢破涕為笑躬豆登  
無何仇家死棘矜臭肉厭飫蚋與蠅天其假手俾世懲  
人生五倫首父子復讐義昭春秋禮見遺刑書著諸史  
宗元議足垂千祀倒行逆施伍員耻舞陽吉玃同轍軌

泰州志

卷之三十三

藝文

十一

老涉遲鈍幼超偉固關時命非偶爾嗟卿避兵家轉徙  
事往行存宜繕紀醪醢花香鯉搖尾癯然鶴行過客邸  
欲言復吞鬢颯耳婢婢猶嬰慕焉已酒酣問刀首如七  
忍歸武庫投邗水水收烟消靜霜葦電光霍霍無時起  
安得河伯以罇授烈士來舟積寃從一灑

案舊志載明  
編修梁寅袁

孝子篇茲  
不復錄

稅務橋次韻

明

劉萬春

中市虹飛處當壚酒易賒棠郊隣此地杏館屬吾家  
寒家  
實有秋園小割西湖水遙分東嶽霞一從蠲稅後不復權

車案萬春次韻凌儒詠  
橋詩有八茲錄其

安定祠銀杏樹

劉萬春

薰風下天來吹我凌空衣  
睠此千年樹欲去還依依  
繁

陰沁詩骨靜宇發天機  
安得北窗閒羲皇謾同歸

登望海樓次徐巖泉韻

劉萬春

落日憑欄望眼開  
蒼茫氣色接蓬萊  
千家井竈孤城合

萬里帆檣一水迴  
不見秦鞭驅石去  
空聞漢弩射波來

卽今過客知多少  
可有元虛採藻才

游新城祐聖觀

明徐改之  
興化人

元都幽迥絕喧闐  
桑海從他有變遷  
洗馬亭荒惟茂草

養龜池暖但生蓮

觀南舊有洗馬亭養龜池

何時借地開丹竈  
幾度

泰州志

卷之三十三

藝文

十三

看碑繫釣船  
萬水樓臺吾極目  
恍疑身上碧山巔

謁安定心齋二先生祠  
偶記十年前舊作一首漫

書以示諸生

巡鹽御史明朱炳如  
桂陽人

大道元來只共由  
莫將灑落易煩愁  
天機悟處防思鵠

夜氣清時戒牧牛  
兩字良知非外致  
一圈太極豈翫求

先賢倡道今猶昔  
笑向濂溪問正流

案此詩碑刻今在書院

天目山

明李師中

壞壁摩挲少舊題  
高情應怪賞音稀  
烟霞正自無今古

雲水從教遠是非  
丹井金龍藏洞府  
杞叢蒼犬蕩霞扉

登臨未學神仙事  
老樹閒看獨鶴歸

案此詩見碑陰題詠有劉蘭劉

王棟凌儒諸  
作不具載

徐明府母盧孺人旌節詩

編修明 黃道周 龍溪人

圖經曾記維揚美羅浮天目凌雲起千尺長松謾謾聲  
太君霜節亦如此太君之節世所稀芳名千古播蘭芷  
一從神啓倦魂甦佞佛多年謝鉛水緝纜寒夜課青鐙  
絡緯秋啼淚如雨六十年來老眼枯叱馭祇及維揚止  
三年健翮忽冲霄黃封報下明光裏節壘崔嵬高刺天  
紫誥賄封從此始

送沈復吾任泰州學正

吏部尙書明 孫繼臯 無錫人

不去公車籍聊爲捧檄行魚鹽通故國桃李豔春城楊

泰州志

卷之三十三

藝文

十四

子傳經渡門人載酒迎朋來看勝事片玉久知名

向烈女墓

明 譚 綱 籍貫未詳

當年烈女心原同一片石試讀石上文風雨不敢蝕

柳敬亭自京師過訪吳陵感舊

自注時出予壻陳鴈羣札子

朱淑熹

老病蕭條薊北回還過海國感興衰眼看塞人長別  
誰使孤城馬更來白髮賓朋雙涕淚黃蒿池館一尊壘  
當筵休說開元事何處昆明少劫灰

送宮紫陽歸海陵二首

國朝 龔鼎孳 合肥人

久客知歲寒日暮知他鄉駕言返故廬悲風相慨

高眺大陸我馬方元黃長跪告執綬斗酒當盈觴壯  
志萬里胡爲急晨裝鴻雁已南蹈執轡愁雨霜雙闕鬱  
岵嶢百感迴孤腸一奏伏櫪歌天地爲低昂君子勗令  
名達人娛景光  
荆璞棲巖阿物以知希珍時運有往復傑士寧長貧入  
燕弔漸離游趙晒劇辛深懷管樂志絲竹怡芳晨高鳥  
得安巢潛龍無損鱗尺素墮雲中馳情若比鄰上言樂  
未央下言思故人

吳孝女詩

國朝

吳嘉紀

雙飛畫堂燕春來又銜泥堂中紅顏女歲歲惟孤棲孤

泰州志

卷之三十三

藝文

十五

棲何爲爾有母年齒衰今年復明年朝昏不暫違膝下  
辛苦多織作致甘肥女身日以長母年日以羸桑榆戀  
斜景依依能幾時淚下未及收里姥來門楣東家有賢  
郎相煩求蛾睂深閨聞姥來倉皇愁生離懇懇託家媪  
徐徐出謝之東家去諾諾西家又遣媒人生各有志紛  
紛徒去來媒妁殷勤言祇以煎人懷今年復明年荏苒  
歲月徂母年旣七十女亦三十餘霜風吹林木落葉辭  
舊林傷哉黃髮母一夕赴泉臺骨與肉離別天傾地崩  
摧女也何所賴抱痛長號呼浮雲爲黯淡翔鳥爲徘徊  
月落空房冷至哀毀形骸母女相繼逝見者靡不悲家

人出卜葬葬母以女隨生死在母旁夙願已克諧迄今

三百載邱塋猶鬼鬼往事聞故老小子仰前徽援筆傳

孝女慚非絕妙辭

案孝女為嘉紀六世祖姑事見列女傳

姪女割股詩

自注姪女名長仲兄嘉紳女也適魯氏居與兄鄰甲辰冬兄病篤產婦入

月倉皇趨省仆地胎墮越十日兄病篤產婦入

人家俗以爲忌女至門不得入乃撫棺哭曰去

父咫尺不得一見面耶悲號灑泣感動隣里歸

焚香竈神前割左股肉以半枯瓠貯血顧所握

刀鈍恐家人知不敢礪剗久之肉乃離股然不

甚痛其夕糜以餉兄食之病愈女剗處亦尋愈

察瓠中血無涓滴也 吳嘉紀

產婦不入門恨殺舊風俗淚眼徒望望門楣分骨肉肉

是吾親肉剗以作羹糜婦是愚婦人肅以奉神祇神降

泰州志

卷之三十三

藝文

十六

清風生糜香老親豫鈍刀全父子人來看空瓠

送吳五寶賢二首

國朝汪楫江都人

霜林棲烏啼蕪城天不曉行子急道路仰視參與昴年

年歸此時芒履踏枯草寒冰結髭須朔氣令人老歸家

常若遲出門常若早子廉有賢妻舖糜共亦好

郊原積冰雪日出光泠泠萬物苦閉塞只待春風生君

今已皓首毋庸歎飄零在天亦有雲在水亦有萍丈夫

惡飲寒何以垂令名飲水被鶉衣高節誠可貞

送宮紫陽歸海陵二首

國朝宋琬掾州人

翡翠巢蘭苕瓊枝棲海鶴君子秉遐思翱翔慎所託高

冠撫長劍馳馬游京洛  
裋褐揖公卿  
絳灌爲之忤  
太息昭王臺  
黃金久寂寞  
拂衣駕言邁  
去去青門郭  
良朋別路衢  
客子行復卻  
燕趙異疇昔  
濁酒猶堪酌  
古來羨豪達  
曾不羞翟籥  
繫爾青驪駒  
懷哉咏場藿  
驚風飄朔葉  
元鳥鳴中林  
豈無稻粱志  
浩然江海心  
借問客何游  
言返故山岑  
平生懷五嶽  
杖策將幽尋  
褰裳欲從君  
畏此長淮深  
相知在顧盼  
豈必投兼金  
何以敘網繆  
三奏朱絃琴  
宵征易水上  
勿爲霜露侵  
惆悵薊門客  
俛仰嗟陸沈

除歲同李厚餘黃仙裳飲田氏半園題壁

泰州志

卷之三十三

藝文

十七

國朝

孔尚任

曲阜人

名園位置眼初經  
整幅溪山似畫屏  
寒雨纔收梅破玉  
春冰未化柳包青  
庭前日暮羣鴉過  
客裏年除兩鬢星  
題壁那能詩句好  
流傳倚借子雲亭

暮春張筵署園北樓上大會詩人漢陽許漱石  
泰州鄧孝威黃仙裳交三上木朱魯瞻徐夔據山  
陰徐小韓遂寧柳長在錢塘徐浴咸吳江徐丙  
文江都閔義行如臯冒青若彭縣楊東子休寧  
查秋山海門成陟三家樵嵐琴士興化陸太邱  
畫士武進李左民泰州姜尺玉琵琶客通州劉

公寅時閔義行代余治具各卽席分賦

孔尙任

高筵櫻筍借郇庖四面晴光接遠郊野燕初來黃菜圃  
飛綿漸起綠楊梢客中老淚逢絲竹座上遺賢到許巢  
望國思鄉無限意沈吟寫向歲寒交

蘆洲宴集同人俞陳芳杜于皇黃交三黃仙裳

孔尙任

城東小林壑抱堞數楹架僕僕川上回稍稍公事暇所  
幸離居人素手握以忽鬢帶楚江雲

杜于皇自兩湖返里

衣上秦

關月黃交三自歸來倦言季子裘或云賈須袍涼秋亦已凜

泰州志

卷之三十三

藝文

十八

落葉飛庭臯相期保歲暮可惜盤殮微天高下征雁水  
潤蘆花肥

題左寧南軍中說劍圖贈柳敬亭

國朝

冒丹書

如臯人

玉帳登壇夜論兵將軍出塞氣縱橫可憐多少銜恩客  
寫向丹青只柳生

題春雨草堂

國朝

周亮工

金谿人

髯公小築在銀灣檻外時看鷗鷺還半畝惟欣春雨足  
百年只愛草堂閒空餘几隱稱南郭禾有文移自北  
一過嶺頭十六載聞君歲歲戶常關

前題二首

錄一

國朝

王士祿

諸城人

青山映草堂春波分綠  
垂楊聽鶯選樹那愁寂  
菊開畦太劇忙花嶼夜漁通野響木蘭晨露墜初芳  
爲點筆幽吟處苔長松陰白石牆

冬日登海陵陳晉老德香閣

國朝

王士正

諸城人

檻外紅梅初吐萼千枝萬朵壓簷低淮南斜日登高閣  
目極寒蕪雪漲溪

過胡安定廢祠

國朝

鄧漢儀

老樹峻嶒極人傳舊講堂兵戈一橫厲祠宇盡荒涼蟋  
蟀鳴積瓦黽語竄短牆怪來仙釋地金碧盛輝煌

泰州志

卷之三十三

藝文

十九

海陵重建望海樓

鄧漢儀

海郡東偏鬱太觀畫檐朱拱碧雲端正宜番舶漁樵八  
不盡蠻風島雨寒誰使沙洲紛戰鬪遂教樓觀倏凋殘  
行人驅馬城頭過愁向雙柯數箭瘢

舊址今尚存老樹二

此地非同歌舞場文星竟夜燭天閭應增樓閣符形勝  
忍見荆榛老夕陽築舍數年羣議費建標一夕萬夫忙  
會看百尺峩起海賦新成壓大荒

阜蓋朱幡江上來蒼茫風景接蓬萊可餘博望乘槎去  
昨報戈船下瀨迴全盛輿圖憑漲海太平郡國有樓臺  
休言土木非天意畚鍤旋轟地底雷

建幢之日雷雨大至

鄧漢儀

死無乘

儷得言膠

人周易重男女

孤未有

母既

媒氏既通辭

家兒雖許家兒未為冷家妻

家女

無言女痛摧肝腸

絲繩四無顏色

太守命駕造

旌為黯澹五為踟躕

鄰何家女辱我使君輿

泣郡乘而化

草有及荆布人

邀天子恩女名青史女行光里

安

不知遠但色雲動寒光入平遠

千葉下微雨行似有同聲在難為慰旅情

小西

國朝黃雲

耽

會同上岱雲澗

橋晚鳴霜

火起一一尚廢

隄行華亭公

吞

泰州志

卷之三十三

藝文

二十

烈

張采

女

女

詩不

宣房瓠子徒憂煩白馬下沈隨越祝綠箭捆載空淇園  
楚州以南廣陵北至今釜底波云云常年穰稔秋未熟  
波神一笑天瓢翻高城三版蛭浮動低田萬竈蛙喧繁  
巢居水宿盡赤子蒲魚那足充朝飧浮槎歲歲挂古木  
屋瓦處處留沙痕監河使者下符檄柳枝竹槿山邱屯  
載土不怕坤軸折伐木直遣南山髡役夫淖濘偶失足  
投擲眞似鴨與豚潰者方築築者潰天跳地擲無崖垠  
五風十雨自咸若不知河伯尋何冤乞漿得酒歲云樂  
淮民不免寒無禪糠糲滿筐靳一飽衾裯換米來何門  
老弱半菽未黔突官長五袴徒見存行糜分毅力不遍

泰州志

卷之三十三

藝文

二十一

十有七八爲魚鼃去年天子舉玉趾六飛載馳神駿  
奔翠華臨河三歎息指示脈縷探巔跟高堰蜿蜒鐵  
石比近亦浪齧波濤掀全淮已無刷黃力何怪濁浪排  
崑崙碣石夜徒歷陽陷清口狹小如盎盆况聞雲梯沃  
焦處淤墊漸化桑麻村水無所歸乃橫溢下隲何日成  
高原帝曰咨爾股肱佐斯民胥溺勞拯援臨軒受命  
飲冰出衆中底柱公其元公來笑談慰飢渴隻手驅逐  
千鯨鯤赤符下囚羽淵魄鐵索倒鎖支祁魂天吳撼隄  
兀不動吏民瞪目看王尊有如蹶張射萬弩潮頭打轉  
蛟螭喧濫觴率先堅版幹尾閭次第嚴周垣萬夫齊力

下杙椽金椎磬鼓連朝昏石隄初成兩鵠告雪浪不聳  
三犀蹲明年隴禾萬家滿壓擔折軸何軒軒公亦睂間  
黃色起錫圭告成還 帝閭

半塘弔詩人黃儀逋墓

國朝 俞 梅

天涯孤冢水邊門寂寞人間北海樽三尺荒烟埋醉骨  
萬山冷月照詩魂是仙非鬼余終信欲殺能憐世莫論  
獨惜孟光墳墓遠隔江愁綠鎖睂痕

案舊志云黃逋歿姑蘇葬虎邱劍池

芻續志稿云葬半塘寺後園據此詩當以續志稿爲是

重修胡安定先生祠落成賦此紀事

國朝 魏錫祚

泰州志

卷之三十三

藝文

二十一

有宋崇理學代興得真儒偉哉安定公奮起淮海隅經  
術乃大昌淵源啓程朱本是王佐儔致身願唐虞器大  
用願小秉鐸蘇與湖卓然師道立學者循步趨經義兼  
治事全體大用俱後復侍講筵密勿陳訐謨所施雖未  
竟屹爾垂斗樞教澤流無疆道統昭天衢濂洛及關閩  
賴公翦榛蕪譬諸先河祭首庸固非誣迄今數百年士  
猶奉楷模賤子生鄒魯仕學均迷途幸官大賢鄉嚮往  
徒區區下車謁祠宇傾圯增慨吁謹以薄俸入庀材新  
構櫨將伯樂予助踴躍衆志孚楹桷稍加飾妥侑神或  
愉前規一朝復吉日仍載諷堂上肅豆籩堂下調笙竽

斐然集童冠紛若屏覲巫景仰有同心先後合節符火

盡薪為傳庶幾懷永圖

案錫祚重葺浮香亭并刻宋賢梅花詩於壁如臯吳翀有用

紀事詩見淮海英靈集茲不錄

海陵水災紀事二首

錄一

國朝

程瑞祊

此鄉成大壑河決衆流歸十載民重困三冬食竟稀水頭來不盡海口瀉偏微匝月還如舊連天雪浪飛

題劉節婦嚴氏苦節錄

國朝大學士

史貽直

溧陽人

黃鵠堅心志倫常在一身瑤池古冰雪蒼岫舊松筠壺範鄉邦重芳名歲月新海陵畱片石苔蘚繡千春

儲烈婦詩

有序

國朝

顧溥

籍貫未詳

泰州志

卷之三十三

藝文

二十三

秀才儲濯之妻陳未亡人也年甚少家貧撫遺孤隨一老媪寄居父族家鍼綫自給逆奴某覘媪出脅以刃陳力拒奴膚寸寸見爪血痕奴益怒加數十創斃陳於竈前水缸中奴左右顧莫能逸媪歸陳復甦指奴示見殺狀于是集家人縛奴送之官而陳遂死予以公務之海陵知奴已伏法值旌表坊成州刺史設祭余感而賦之

薑桂未老性非蔓草孤兒黃口同穴難早鳴鶚目屬欲蠱黃鵠烈哉陶嬰義不可辱決脰陷胸慷慨撓鋒不畏

刃白何有血紅下從所天可報黃泉呱呱在膝半塗息  
肩逆僮臬首雷驚電走匪躬之故天地不朽大哉 王  
言無餒爾魂寒塘蘋藻停車薦焉

周公鋪

國朝 沈龍翔

出州南門沿運河折而東十五里爲塘灣兩岸  
空濶潏塊無人迹爲萑苻藪往來舟車久成畏  
途如臯令周公鼎鑑攝州篆三月卽捐俸建屋  
四十間募民夾河居之行人恃以無恐遂呼爲  
周公鋪云

曉發茱萸灣晚宿周公鋪鋪上有居人不是當年路三

泰州志

卷之三十三

藝文

二十四

月海陵官千載周公鋪立功貴及時何用終年住西有  
召伯埭東有范公堤中有周公鋪芳名萬古齊

泰州八景詩 并記

沈龍翔

八景詩昔有郡人邱容五言絕暨諸前輩各體  
可以不作余復贅者地形變遷今異於古小詩  
並註殊有關係非敢漫附不朽也雍正六年戊  
申遯叟沈龍翔記

高堂俯一州去天纔尺五明月當空懸照徹窮檐苦

泰 堂

明月自注堂前極高敞向夕  
月圓州人士往往散步于此

千戶所後嶺古謂之駝峯清風何處來母乃不易逢

清風徒倚者自千戶所置其前嶺遂湮沒無可考  
登眺徒倚者自千戶所置其前嶺遂湮沒無可考

昔日衡文地今成耕牧場奎光猶的爍精氣未銷亡  
昔日衡文地今成耕牧場奎光猶的爍精氣未銷亡

奎光自注在南山寺西宋紹聖間州守陸佃建諸亭  
閣庵池共六十三處紹定二年守陳垓重開二池閣前

南北夾堤東植華表今俱廢惟長隄尚在隄  
南長堤東植華表今俱廢惟長隄尚在隄

舊聞學在西塔影映泮水遷學自何年椽筆閣不起  
舊聞學在西塔影映泮水遷學自何年椽筆閣不起

筆穎自注聞之故老舊在西北方泮地橫其前故有  
南山塔影之異郡人李鵬碑記云浮圖在東側俯瞰數

十里日西影落泮池前明倭亂時改  
建兵道官署遷學在東遂失此景

草堂邱壑奇收得錢湖巧祇今剩平田細雨春猶鬧  
草堂邱壑奇收得錢湖巧祇今剩平田細雨春猶鬧

春雨自注泰山墩之西有水為宋州守陳垓浚治島  
嶼縈迴沼池漱灑前輩宮太史春雨草堂在焉土人皆

以小西湖名之春花秋月細雨輕風游  
人駱驛踞一州之勝近則日就荒蕪矣

泰州志

卷之三十三

藝文

二十五

天目本仙阜年來耕種平晴嵐杳何許井石自縱橫  
天目本仙阜年來耕種平晴嵐杳何許井石自縱橫

晴嵐自注天目本土山而基址甚高形家指為堰口  
後託山田屬學中管業近則居民占種四周掘斷山脈

田幾與山平矣王治鹿女諸  
仙蹟盡廢惟丹井石欄在耳

博興董孝子乃在東海濱至德泉源體隨訛亦有神  
博興董孝子乃在東海濱至德泉源體隨訛亦有神

寒泉自注董孝子永乃青州府博興縣人車載湖廣  
德安府志流寓不知何故訛而為泰遂有縑絲井諸說

可疑也  
可存疑也

東望捍海堰古蹟日坍塌新傳畚揭齊天恩何周匝  
東望捍海堰古蹟日坍塌新傳畚揭齊天恩何周匝

烟柳自注隄為文正公鹽官時所築古傳長隄煙柳  
橫隔河海民竈賴之歲久多成平地今則文正後裔制

隄公總理兩江詢民疾苦力請於吾州之民被范公之長  
隄完好如故補種楊柳頓復舊觀

澤何世不竭也楊柳頓復舊觀  
井范堤今屬東臺縣

登天目山用工部西閣三首韻

國朝  
陳 綬

得道眞仙去山空鳥語頻鐵棺迷舊跡丹井秘長春流  
水聲清耳斜陽影伴身偶逢牛背女疑是鹿邊人  
我欲最高處凌空置一亭不逢人眼白長見海峯青地  
脈盤龍氣天文隱歲星千年華表鶴應記此曾經

清響園夜坐

國朝  
繆 沅 湘芷

綠雪覆層臺燈光散瓊屑風簾轉暮鶯暗影霞明玦春  
愁學杜鵑深春啼碧血漏永怯衣單銜杯翻凜冽繁星  
燦於螢琉璃淡於雪相逢賦玉筍不用誇金埒詩奏無

泰州志

卷之三十三

藝文

二十六

絃琴餘音渺難輟

魏刺史重修胡安 公祠敬題二首

國朝  
州判 潘尙仁 烏程人

非無前席遇不遣秉鈞還病廢天將喪書藏道屬艱衣  
冠邱故土骸骨輦何山教授湖州日蕭條異代間  
捧檄吳陵地欣然拜廟門庭陰銀杏大桷敗畫龍翻道  
統能中墜祠堂用久存經營成百日終賴一州尊 案此二詩

石刻今在書院安定祠內

浮香亭

潘尙仁

州乘謂亭在藕花洲後而州牧武柱國於堂之

西偏葺亭表之曰浮香雖未必得其故址然亦  
喜風雅之未墜也遂依古人之韻作是詩以誌  
云

團團卉木青不槁空亭欹側欲傾倒橫枝古幹難重尋  
俯仰徒令懷抱惱襄平才子實崢嶸修墜舉廢偏及早  
鳩工庀材丹雘新結構森森覺初好六百年來題詠多  
不當人意在除埽就中四子詩數篇興致猶餘風格老  
我一見之生心喜幾回詩就不敢草若逢高會盡壺觴  
想像幽情向晴昊

案此詩石刻今在州署西廳事

秋雨潰堤

國朝 周 虹

泰州志

卷之三十三

藝文

二十七

隄潰秋來雨連綿幾月陰怒濤鳴釜底亂艇鬪湖心村  
落無高岸人家賸短林淮南十萬戶與水共浮沈

武香保歌

國朝 程柏齡

甲辰七月十九日夜半起風何太烈風烈不歇不尋常  
風烈推潮潮莫測潮來直蓋范公堤海甸人家盡淹沒  
可憐孝子李文彬抱父潮中身已溺嗟乎不似被災無  
限人此君千古爲之深太息

案李文彬小字武香保事見孝友傳

海陵劉烈婦歌

自注烈婦夫武舉從左良玉陳亡無後婦誓奉公姑既終年卽自縊

死州人哀之案烈婦國朝鄭燮興化夫許珍事見忠節傳知縣

雲壓窗鐙欲死少婦停梭拂衣起夜慘心孤倦欹臥

沙場夢入深閨裏破甲殘旗裏血痕手提敗鼓號冤魂  
自云轉戰身陷沒斷骸漂骨黃河奔倉皇躑躅婦驚覺  
羣犬亂吠秋籬根深夜欲啼啼不得淚珠迸落羅衾溼  
抹去胭脂罷曉粧翠翹雲鬢無顏色凶問傳來敗散軍  
果然與夢無差分溫言緒語慰翁媪幽閨裂破繡羅裙  
椎心一哭數斗血紙錢飄去迴秋雲柴門寂寞鼯鼯鬪  
病婦把家門戶瘦夜夜寒機達曙光朝朝破鏡磨鴛鴦  
十畝荒田歲不收一園花柳空如繡翁歿媪歿婦即歿  
宗祀無人妾何立拌將皓頸委紅羅要使芳魂覓沙磧  
丈夫死國妻死夫忠義不得轉呼吸一念徘徊事已非

泰州志

卷之三十三

藝文

二十八

包羞泉壤何嗟及至今墳樹晚悲號荒河白草秋原高  
寒鴉孤棲夜不定哀鳴向月求其曹

進 呈詠史樂府十二章

斷 罟 匡

自注臣案傲非時也魯宣公夏濫於泗淵里革斷其罟而諫公曰吾過而里革匡我是良罟也爲我得法使有司藏之師存待曰藏罟不如置里革于側之不忘也

泗淵漁里革匡斷其罟悟君王君王聞言三歎息阜物  
防貪良史職有司藏之無忘規庶幾見罟如見革師存  
一言婉而風置革於側無面從不見朝聽忠言夕委棄  
畱衣畱檻皆虛僞前漢皇后宋帝

市價對

自注臣案遏淫刑也齊晏嬰宅近市公曰子近市識貴賤乎於是景公於刑

有粥踊者故對曰踊貴  
屨賤公爲是省於刑

臣近市識貴賤我后知不知胡不採衢諺臨淄十萬生  
齒多家家粥踊可奈何踊之價浮於屨不噢咻誰歌舞  
仁人一言省於刑頓教億兆無詛聲修德更不誅祝史  
海岱千秋思晏子

辟戟諍

自注臣案裁近倖也漢武帝置酒宣室使謁者引內賣珠兒董偃東方朔辟戟

而前曰陛下方積思六經而偃以靡麗奢侈極  
耳目之欲宣室者先帝之正處也非法度之政

不得入焉  
上曰善

東方生能直諫守法度黜靡曼何物賣珠兒敢容宣室  
晏辟戟陳詞意氣雄侃侃尚有先臣風不見申屠嘉坐

泰州志

卷之三十三

藝文

二十九

丞相府執法猶能困鄧通

乘船戒

自注臣案勸持重也漢元帝欲御樓船薛廣德頓首曰宜從橋上不悅張猛進

曰臣聞主聖臣直乘船危從橋安聖主不乘危  
大夫言可聽帝曰曉人不當如是耶乃從橋

從橋安乘船危千金之子坐不垂莫躋於山躋於垤舉  
步何必非嶮巖曉人言真可聽君不驕臣不佞霸陵西  
馳騁六飛諫草能教馬首迴

撤屏悟

自注臣案防色荒也漢光武帝御座新施屏風畫列女帝數顧視之宋宏燕見

正容言曰未見好德如  
好色者帝即爲撤之

屏風新畫美人美人顏色傾國姿君王顧之情爲移情  
可移即可誤賢臣獻規君頓悟不見精勤納諫唐太宗

不畫蛾眉書奏疏

侍宴規

自注臣案抑華侈也唐諫議大夫蘇世長侍宴披香殿酒酣謂唐主曰此殿煬

帝之所為耶唐主曰卿諫似直而實多詐豈不知此殿朕之所為乎對曰臣實不知但見華侈如傾宮鹿臺非興王之

披香殿是隋是唐臣莫辨臣雖似詐其實忠不聞興主

營離宮露臺百金儉德崇

從獵諷

自注臣案止游畋也唐諫議大夫谷那律嘗從出獵在途遇雨太宗因問曰油

衣若何得不漏對曰能以瓦為之必不漏矣帝為之罷獵

油衣則漏瓦不漏諫議微詞規乃后罷獵從茲慎馳驟

禽荒垂戒古今同拒關不納羸馬供漢門侯魏筆公

泰州志

卷之三十三

藝文

三十

佳鷹表

自注臣案杜徵求也唐太宗遣使至涼州都督李大亮有佳鷹使者諷使獻之

大亮密表曰陛下久絕畋游而使者求鷹若陛下之意深乖昔旨如其自擅乃是使非其人上悅手詔褒美賜以荀悅漢紀

涼州鷹使者諷之獻王廷王者久不貴異物今日何與

昔旨拂君無荒臣有表悉索徵求慎微小旅獒入貢載

周書世間玩好無時無

宮體箴

自注臣案黜浮靡也唐太宗嘗作宮體詩虞世南曰聖作雖工體非雅正臣恐

此詩一傳天下風靡不敢奉詔帝曰朕試卿耳

宮體詩廟堂首倡瓊琚詞詞雖綺麗體不正天下靡然

歌詠之朕試卿卿果諫同時尚有王師旦翠徵宮題不

入選

用筆喻

員自注臣案端心術也唐柳公權筆如何則盡

善對曰用筆在心心正則筆正上改容知其以筆諫也

用筆在心不在筆結密矜莊露神骨司封員外侍書來

片言足使君心一萬幾操縱總心生落筆端人正士形

平原太守顏真卿

觀鐙諫

乾元注臣案陳民瘼也宋太宗以上元御

曰朕躬覽庶政萬事釐理每念上天之貺致此繁盛如呂蒙正避席曰乘輿所在士庶走集故繁甚衆願陛下親近以及遠蒼生之福也

乾元樓矚神京樂熙攘慶太平太平有象張鐙晏君樂

泰州志

卷之三十三

藝文

三十一

須教民樂徧焉得綺羅筵前千萬鐙照見九州蔀屋鳩

鵠形

三司告

自注臣案慮盛滿也宋真宗初即位陳

不進屢詔趣之恕對曰陛下富於春秋若知府庫充實恐生侈心是以不敢進也帝嘉之

領三司掌錢穀胡爲不入君王目春秋鼎盛府庫餘豐

亨豫大非良圖不見朝無先識李太初祥符中葉進天

書

西門觀落日歌

自注丁未下第畱京師澧南繆公

夢黃君儀逋爲郊外之游每夕陽在山紅紫萬狀則徘徊不能去有西門觀落日歌今忽忽數鈔十年矣余請公詩讀之而猝不可得昨檢餘園

假歸西郊縱步返照入林偶憶公言漫成長句  
非敢僭擬公詩亦非專咏落日語云對此茫茫  
百端交集余亦同此情也  
程盛修

秋卿下直談鋒起爲溯江鄉林壑美西郊一帶足徜徉  
日落未落光銜水此間知己三兩人鋪茵藉草笑言真  
浩歌一曲寫胸臆白日已匿天無痕一自驅馳事京國  
天門日射觚棱赤舊游回首總茫然不見當時苦吟客  
酒酣迫欲把公詩南陔華黍亡其辭我亦緇塵三十載  
日車難駐流光馳歸來迤邐西郊路彷彿仙翁吟眺處  
姚黃一輩逐飄風獨立蒼茫烟景暮

九日岳阜登高過雲谿精舍

國朝

宮懋讓

泰州志

卷之三十三

藝文

三十一

志士感蕭晨騷人愛素節杖策事幽尋溪迴路多折捫  
蘿展遐眺佳興登臺發山空鴈影沈木落秋容潔下臨  
古蘭若花石轉幽絕上人足名理相對忘言說一悟清  
淨因永息馳驅轍羊牛下前山黯黯溪頭別回首晚時  
鐘疏烟淡微月

秋夜月同葉善百信步大寧西橋望德香閣并半

園舊址

國朝

田雲鶴

薄雲如擘絮孤月絕塵滓年年悲秋客又落秋風裏吾  
家德香閣窗戶照清泚當時雁塔人焚膏曾繼晷半園  
背其北聲伎逝如彼醉石倒青苔荒林匝斷堦入望烟

景迷連邨灣一水疏梵出破剝柳岸無舟艤今夕乃何  
夕罾魚潑刺起睡鴨驚我來晚蒲結沙觜露下何淒淒  
籬根明素蘂笛借桓伊弄樹留吳質倚但看今北垞何  
如昔甫里逝將齊得喪灑筆淡憂喜

寶帶橋看月

國朝

沈嘉植

橋頭看月色驛路白如霜碁杵千門靜蒹葭一水長關  
河秋渺渺雲樹影蒼蒼醉後饒餘興呼童載舉觴

九日集半園

沈嘉植

層峯疊疊入雲高九日登樓手重搔白雁橫天秋漸老  
黃花對酒客爭豪四園楊柳垂明月一片芙蓉入彩毫

泰州志

卷之三十三

藝文

三十三

荏苒百年看易盡誰畱風景待吾曹

春雨草堂感舊

國朝

宮 雝

寥落雲山一隴深先人卜築此園林百年風節投閒地

十畝烟波退老心香草美人空悵望

園有香草亭  
美人之居

桃花

流水漸銷沈傷心遺跡無人問一樹斜陽噪暮禽

編類苑聯珠一百二十卷閱四寒暑未竣以手疾

中止感賦

國朝

俞 堉

四載江邨載篋從勞勞搜輯夜鐙紅熟聞虎觀分修苦  
謾騁雞窗獨斷雄例破羣書期筏喻功隳半道等途窮  
何當卒業酬初志總付東風一笑中

謁儲柴墟先生祠

國朝

陳 燮

吾思柴墟公異才本天授便便孝先腹書味非飭餽射  
策掇巍科下筆山海走養望官南都蔚然松色茂中朝  
及嘉隆昌言屢構疏薦四諍臣忠肝鐵石就至今諫  
草傳鬱爲儒林首餘技及篇翰不落七子後惜哉用未  
竟銓衡職空守荒祠遺構存殘碑臥苔甃夕陽下城闔  
海風肅圭竇典型去已遙鐘鼓知誰叩歸來讀公文簫  
韶九天奏

題賣魚灣渡海亭卷子

陳 燮

文山遺迹未沈冥古誼今猶炳日星七卷曾先諸貢士

泰州志

卷之三十三

藝文

三十四

一航趨赴小朝廷歌傳燕市丹心在事去厓山戰血腥  
惆悵賣魚灣口路荒寒海色上空亭

秋日同人過浴沂亭奉懷韓次山先生分得山字

陳 燮

孤亭出寒渌敗葉圍元關穿籬度略約倚檻聞琤潺淒  
迷失舊雨穉穉輸華班及茲秋氣悲每憶春風閒濠梁  
官獨冷淮水波漩濃牽船作學舍醺酒臨荒山知莊昔  
有惠苦孔今誰顏高情緬埏埴別夢仍追攀黃鵠一再

舉合并寧當慳

案次山名襲祥長洲人見名宦傳

香雨樓

在光孝寺

國朝

吳 會

琳宮珠雨散青蒼盡護優曇入衆香四座祥輪迷海氣  
一龕寶月炫湖光天開迦葉三花界雲淨維摩十笏房  
競羨講堂邀上客春風簪筆埽詞場

吳陵冶春詞

國朝  
葉兆蘭

早春城郭雨蕭蕭卅里龍溪漸長潮幾日不來寒食近  
綠楊遮斷趙公橋

鶯飛草長晝初長蠻榼家家上冢忙記得鳳皇墩畔路  
紙鳶風裏菜花香

烟雨城南鎖塔尖千家新綠正齊檐近村小景都如畫  
一樹桃花一酒帘

泰州志

卷之三十三

藝文

三十五

圖蔣山迎岳阜青小西湖水碧泠泠年年白社人修禊  
賭取新詞唱阮亭

大水行

嘉慶乙丑事

國朝  
鄒熊

烏虓噫嘻昭關壩開急湍趨下如奔雷天色慘淡雲氣  
黑暴雨助威水勢急氣腥似毒龍噓吸禾黍汨沒魚蝦  
得萬井一齊空平原成大澤奔流入海海不容潮長十  
丈當其衝欲洩不得洩橫行千里中風北駭浪南風西  
驚濤東東南地高水不深驚蛇入牀蝦蟆登西北地卑  
水瀾瀾少壯流亡老弱死七口水退人東腹竈有涇薪  
釜無粟千家萬家同一哭

西河明府於敗砌中得浮香亭石刻宋蘇穎濱諸  
君子詩西河卽用原韻紀其事並邀同作

國朝 徐步雲 興化人

使君噫氣噓枯槁筆力能排衆山倒偶然劘地得殘碑  
如渴及泉忘熱惱睂山淮海泊參寥想像吟魂惜花早  
浮香亭子今幾改只有詩篇完且好斲句原從冰雪來  
題名肯逐雲烟埽前者唱喁後者續百年憑仗蓮湖老  
蓮湖老眼最分明此石如何沒秋草摩挲位置不須嗟  
夜夜虹光燭晴昊

案徐崇炯號西河東臺令時署泰州篆

登望海樓 自注余年十七始至海陵登此樓樓前雙桐甚茂今再至則樓已重建迥改舊

泰州志

卷之三十三

藝文

三十六

觀雙桐不復見惟青松一株乃其後植者屈指歲時蓋已閱七十載矣

徐步雲

無復雙桐對夕暉稚松拔地已成圍樓臺城郭重回首  
身是人間老令威

光孝寺餞王菊泉明府卽席賦贈 自注歸安人壬午召試

同年王復齋之次君也前歲攝篆泰州時回江浦縣任

徐步雲

夾道香烟擁不開熙熙人共集春臺三年宦蹟清如水  
四野懽聲動若雷父老壺漿欣暫駐兒童竹馬望重來  
當筵欲倩丹青手畫幅甘棠古剝隈

案王規號菊泉見名宦傳

過東明寺

寺自注內有張士誠像案  
在東門外即東山寺

國朝  
俞國鑑  
澄夫

十廟鍾山黯夕陽一龕猶自祀張王吳中花草憐焦土  
海上風雲戀故鄉霸畧已銷黃菜葉鹽徒曾起白駒場  
行人掬取春泉奠似否龍衣御座香